

降世神通
AVATAR
THE LAST AIRBENDER

Collect all 8 legendary Avatar toys only at Burger King

Toys available with every Kids Meal

Oranjestad, tel: 583-5398 - San Nicolas, tel: 584-4972

While stock lasts



Fundacion Herencia Historico Aruba cla papresenta:

"Nos Herencia Historico: Periodo Indian"



ORANJESTAD (AAN) – Fundacion Herencia Historico di Aruba a tene un conferencia di prensa ayera mainta, cual a tuma lugar den sala di reunion di Departamento di Relacionnan Exterior. E encuentro cu prensa tabata pa presenta nan proyecto "Nos herencia historico: periodo Indian", cual ta un proyecto audiovisual cu ta

consisti di tres parti. Tabata presente e miembronan di e fundacion señora Lucia Kelly, presidente; Susan de Lange, tesorero; Olinda Rasmijn, secretaria y dos representante di Unoca, cu ta e instancia cu ta patrocina e proyecto aki. Un di e metanan cu e fundacion tin ta haci un peticion na director di

Departamento di Enseñanza, pa wak e posibilidad di hinca e proyecto aki den e curriculum escolar. Herencia Historico di Aruba a worde funda dia 11 di April 2006. El a cuminza den forma di un comision na aña 2001. E base di formacion di e comision tabata e motivacion pa trece informacion existente na un publico grandi, tanto trahando na Archivo Historico, como Biblioteca Nacional y den sector di Enseñanza, pero tambe riba tereno social-cultural y den comunidad en general estimulando cuidu y amor pa naturaleza, ta topa cu e necesidad y interes pa informacion tocante Aruba su historia.

Esaki tabata e motivacion pa e fundacion traha y purba realiza proyectonan audio-visual den cual nan ta trata di muestra loke a resta nos na herencia historico.

TRABAJO HACI: Den un prome inventarizacion e fundacion a yega na 31 tema, pa medio di cual nan por muestra un parti di nos herencia historico. E temanan ta cubri un periodo grandi di e prehistoria te cu yegada di Lago na Aruba den prome mitad di siglo XX.

Nan ta distingui e periodo Indian, e periodo Spaño y e periodo Hulandes, y a tuma nan basta tempo pa profundiza nan mes den e diferente temanan aki. Esaki tabata encera lesa, papia y discuti cu otro. Nan mes a busca informacion y lesa, y a acerca profesionalnan pa haya mas informacion y tambe nan mes a sali haci investigacion. Despues di a haci tur esaki e fundacion a yega na e punto pa duna forma na nan prome

proyecto y entrega esaki na instancianan di financiamiento.

CUMINZAMENTO DI E PROYECTO: E fundacion a scoge pa cuminza cu un proyecto cu ta cubri e periodo Indian. Cu e proyecto aki nan kier duna nan parti pa engrandecere e conocimiento general di Aruba su historia mustando rastro y herencia di Aruba su pasado den un forma diferente, enfocando hopi riba imagnan cu ta duna testimonio di nos herencia historico.

Dia aden dia afo, nos por ta core rond di Aruba y pasa badan di resto y rastronan di nos historia sin cu nos ta realiza esaki suficiente.

Na mesun momento e constelacion di e poblacion di Aruba ta cambiando y nos ta hayando no mes cu personanan cu ta bibando cerca nos y cu no sa ainda suficiente di Aruba su historia y cu ta interesa pa haya sa mas.

Presentacionnan den bario di proyecto:

"NOS HERENCIA HISTORICO: PERIODO INDIAN"

Tur presentacion ta den horario di 8:00 pa 10:00' or di anochi.

Centro di Bario Noord: Diamars 10 di October

Centro di Bario Playa Pabao: Diabierna 13 di October

Centro San Martin na Santa Cruz: Diamars 17 di October

Centro di Bario Brazil: Diahuebs 19 di October.

PROGRAMA:

1- Presentacion di tres programa audiovisual

Artefactonan Indian

Santananan Indian

Nomber di lugar y pinturanan Indian

2- Oportunidad pa haci pregunta na un Arkeologo di

Museo Arkeologico

Entrada ta gratis.

Pa mas informacion por yama na telefon 587-4759

**TELEFONNAN
DI DIARIO
582-6747
FAX
582-8551**

LIVE ON PAY-PER-VIEW
NO MERCY SUNDAY OCTOBER 8

POVA Country Club
Barcadera 22 C Tele: 5859091
ta presenta
NO MERCY
Diadomingo 8 Oktober 2006 pa
19:30 ora

pa diabierna 6 okt. i diabierna 7 okt. 2006 di
80 florin cada un.



nov. 2006 ?